

九十六年度教育部文藝創作獎 應徵作品（教師組古典詩詞類）

「福爾摩沙美故鄉」古典詩詞創作三十首

--全篇分為描寫島上自然生態季節景觀、介紹家鄉風土文化民情、感懷周邊時事親情友情等三篇，有五言絕句（計二首）、五言律詩（計二首）、七言絕句（計六首）、七言律詩（計十三首）、詞（計七首），合計三十首古典詩詞。

一、描寫島上自然生態季節景觀篇

閑步

山行策杖意從容。遠眺青巖挂老松。
碧嶂藍天欣作伴，春風綠野喜相逢。
花開燦爛迎來客，鳥語啁啾慶越冬。
梵宇僧樓何雋雅，悄然駐足聽晨鐘。

虞美人(春臨寶島)

嫣紅姹紫蓬萊島。碧水崇山繞。鶯啼燕語柳絲融。料峭遠空微雨現晴虹。 蜂飛蝶舞花香在，任意多情採。一行白鷺水悠悠，犢背笛聲清徹惠風柔。

臨江仙(阿里山之旅)

雲海蒼茫觀曉日，涼風輕拂群英。晨曦乍現耀山陵。仰天參巨木，賞豔讚絢櫻。
蒸氣火車騰霧騁，笛聲點綴歡聲。螢光閃爍舞娉婷。品茶嚐美筍，留詠記芳馨。

神木

蔚鬱參天互競高。掃雲摩月意雄豪。
蒼生庇蔭恩殊廣，挺直腰身不屈撓。

浪淘沙(詠梅)

何處覓芳蹤。雪滿遙空。蒼茫唯見友喬松。韻雅橫斜邀皓月，大地朦朧。
潔白襯雲峰。蘊藉持躬。香清浮動繞山容。傲骨嶙峋堅百忍，屹立寒冬。

登山

磊落嶽嶮高萬仞。攀峰遠眺觀千鎮。
停雲峭壁臥蒼松，絕頂風華禹繼舜。

登高

遠眺天邊落雁峰。亦步亦趨意從容。
翠微競秀千巖壁，青嶂爭高亂徑松。
素練奔騰生壯志，白雲散失闊襟胸。
請看旭日臨空出，迷霧蒸開見蟄龍。

暮春

蝶忙蜂醉舞，燕語翦金風。
細雨悲殘柳，輕煙綴碎紅。
蛙鳴催曉月，蟬噪伴晴虹。
莫惜春將老，回眸見牧童。

春思

山映春陽碧柳絲。翔鷹呼嘯展英姿。
騎崖松柏臨高塔，出岫煙雲照綠池。
海闊天空憑默想，潭深水靜供幽思。
菩提明鏡清風拂，淨慮澄心是我師。

夏日偶成

楊柳絲絲畫閣牽。尋芳蛱蝶舞階前。
蟬鳴聒噪如絲竹，鳥語啁啾比管絃。
倚檻臨風吟絕句，對窗伏案寫佳篇。
薪傳玉韻揚詩教，切磋深耕又一年。

詠桐花

炎炎五月雪飄零。皓皓油桐醉嬌婷。
歲歲花開花又落，仙仙美景伴松齡。

望月

蟾華明亮照江天，桂影勻圓灑大千。
叱吒英豪今在否，嬪娟依舊缺還圓。

中秋

臨窗憶往慶團圓。把酒高歌樂似仙。
雲盡月明千里路，露寒霜冷九重天。
碧桐傲菊歲蕤立，丹桂幽蘭馥郁妍。
佳節他鄉情更切，相思不盡望嬪娟。

寒流

蕭瑟寒風襲，繁華一夕收。
千山飄瑞雪，梅綻獨清幽。

冬日

踏雪尋梅峻嶺巔。嶙峋傲骨映潭邊。
松濤雲湧吟詩樂，竹影風來枕石眠。
冷暖由他如定佛，炎涼自在似遊仙。
培神養氣禪心淨，貞下啓元自握乾。

二、介紹家鄉風土文化民情篇

風入松（詠屏東）

藍天碧海賞豚鯨。綠野豔陽迎。洋蔥黑鮪飄香味，舞婆娑椰影敷榮。旭海南仁草媚，九鵬海口沙橫。巍峨大武鎮南瀛。雁鷺樂爭鳴。六堆忠義文風盛，看火燒步月聞名。繙縕關山夕照，懷思內埔詩聲。

詠阿缑城

朝迎旭日舊城門。暮送餘暉映故園。
宗聖公祠忠恕顯，屏東書院道仁存。
藍天椰影文風在，綠野蕉香武德尊。
敦厚純樸民好客，甘棠涼蔭要思源。

點絳脣（阿緜文學會三月春遊沿山公路記）

美景沿山，徐行靜覽聞啼鳥。舞花流草。妙韻閑情嬈。野果清泉，美味芬芳好。
歌聲巧。餘音縈繞。況喜春來了。

詠六堆客家敬字亭

晴耕雨讀漢唐風。敬重人文把字崇。
孔氏立心開聖學，文昌益智啓民蒙。
龍翔墨跡亭臺雅，聯煥筆鋒樓閣雄。
化俗識丁尊教育，書香薈萃立奇功。

浪淘沙(詠內埔昌黎祠)

倡古棄駢奇。浩氣如曠。尊儒排佛諫天儀。夕貶潮州功化俗，萬代遺徽。
內埔祀昌黎。闢建宏祠。六堆賢士永懷思。繼聖開賢文載道，百世良師。

春遊墾丁

聽濤攬勝可忘憂。碧海藍天一釣舟。
蒼翠關山觀夕照，琉璃博館看魚游。
龍潭草澤浮鳴羽，港口茗茶潤詠喉。
點點星光如散錦，臨風遠眺上西樓。

媽祖頌

宋代湄州降默娘。善良穎慧女紅妝。
驅邪解厄民稱德，救難尊親眾頌揚。
抑浪平濤威顯赫，扶舟拯楫祐禎祥。
慈航普渡蒼生苦，天后隆恩海宇長。

金門之旅

碧灘英雄島，晴藍映料羅。
高粱香四溢，小吃味三多。
砲戰留青史，獅爺鎮海波。
晨曦登太武，毋忘枕金戈。

三、感懷周邊時事親情友情篇

辭歲

爆竹聲聲送舊年。家人暢敘慶團圓。
歡欣急切聯親友，肅穆虔誠祭祖先。
犬去暝癡希掃盡，亥來福慧盼增延。
祈求國泰民安樂，恬靜心靈夜好眠。

母親節全家合影

五月母親節，相招來寫真。
歡顏留記憶，共聚享天倫。

品茗

益友良朋聚一堂。茶香滿座盡芬芳。
談禪悟道心清淨，品味人生勝酒觴。

敘舊

同窗久別聚蘭堂。共品新茶話異鄉。
明月清風來又去，悲歡幾度鬢如霜。

書懷

玉韻推敲覓雅音。抑揚猶似五弦琴。
欣吟李杜神奇句，愛效蘇辛豁達襟。
靜聽松風梳翠竹，閒觀皓月照深林。
兩間正氣皆天籟，自有浩然養素心。

訪故人

迴折崎嶇踏舊蹤。來尋松竹臥雲峰。
笑談往事堪回味，細品新茶且動容。
世濁猶能歡聚首，情濃不隔喜相逢。
夜深共剪西窗燭，一任雞鳴唱曉鐘。

點絳脣（聆聽 2007.4.19 慶祝屏東基督教醫院原住民社團成立演唱晚會有感）
彈奏弦琴，輕吟天籟音悠遠。百迴千轉。鼻笛清揚婉。 熱切多情，唱出原民善。
神情繚。曲終忘返。不覺鐘聲晚。